

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH”, broj: 35/05) i člana 11. stav 7. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine FBiH”, broj: 15/05), a u cilju podrške kvalitetnoj provedbi planova i programa humanitarnog, zdravstvenog i psihosocijalnog zbrinjavanja povratnika u mjestima povratka za 2024. godinu, federalni ministar raseljenih osoba i izbjeglica, raspisuje

Javni poziv

za sufinansiranje troškova prevoza učenicima srednjih škola na području države Bosne i Hercegovine za školsku 2024/2025 godinu

I - PREDMET JAVNOG POZIVA

Predmet javnog poziva je sufinansiranje troškova prevoza učenicima srednjih škola na području države Bosne i Hercegovine za školsku 2024/2025 godinu.

II – CILJ JAVNOG POZIVA

Cilj javnog poziva je pružiti podršku učenicima srednjih škola iz povratničkih sredina, koji putuju do škole dalje od dva kilometra, čime će se olakšati njihovo školovanje u mjestima povratka.

III – PRAVO UČEŠĆA

Pravo učešća u ovom Javnom pozivu imaju učenici koji su članovi povratničkih domaćinstava na području bosanskohercegovačkog entiteta Republika Srpska (**manjinski povratak**), te povratnici u Federaciji Bosne i Hercegovine.

IV – OPĆI USLOVI

Pravo na sufinansiranje troškova prevoza imaju učenici srednjih škola koji ispunjavaju sljedeće opće uslove:

1. da su članovi povratničkih domaćinstava na području bosanskohercegovačkog entiteta Republika Srpska (**manjinski povratak**) ili povratnici u Federaciji Bosne i Hercegovine;
2. da imaju prijavljeno prebivalište u opštinama povratka;
3. da pohađaju redovno srednju školu;
4. da putuju do škole najmanje dva kilometra.

V - NAČIN IZBORA KORISNIKA I POSEBNI KRITERIJI

Izbor korisnika po osnovu ovog javnog poziva vršit će posebna komisija koju imenuje federalni ministar raseljenih osoba i izbjeglica. Komisija će razmatrati prijave u skladu sa odredbama ovog javnog poziva i procedurama za izbor korisnika.

VI – FINANSIJSKA SREDSTVA

Iznos sufinansiranja troškova prevoza, po jednom učeniku srednje škole, iznosit će do 500,00 KM (slovima: petstotina konvertibilnih maraka), u skladu sa mogućnostima za školsku 2024/2025 godinu prema indeksu razvijenosti jedinica lokalne samouprave.

Isplata novčanih sredstava će se vršiti na transakcijski račun roditelja/staratelja učenika.

VII – DOKUMENTACIJA ZA PRIJAVU

Prijava na Javni poziv treba obavezno da sadrži sljedeće dokumente:

1. Čitko popunjenu i potpisanu prijavu na Javni poziv, na obrascu koji je dostupan na internet stranici Ministarstva www.fmroi.gov.ba ili se može preuzeti lično u prostorijama Ministarstva na adresi Hamdije Čemerlića br. 2, Sarajevo;
2. Uvjerenje nadležnog organa o ostvarenom povratku (Uvjerenje o povratku) - (original ili ovjerena kopija od strane nadležnog organa ne starija od 30 dana);
3. Uvjerenje o prebivalištu (CIPS) jednog od roditelja/staratelja čiji je bankovni račun (original);
4. Kopija lične karte jednog od roditelja/staratelja čiji je bankovni račun; (ovjerena kopija od strane nadležnog organa ne starija od 30 dana);
5. Ugovor sa bankom o otvaranju transakcijskog/tekućeg računa ili potvrda banke o transakcijskom/tekućem računu roditelja/staratelj - (original ili ovjerena kopija od strane nadležnog organa ne starija od 30 dana);
6. Izvod iz matične knjige rođenih (rodni list) za učenika - (original ili ovjerena kopija od strane nadležnog organa ne starija od 30 dana);
7. Uvjerenje/potvrda škole da je aplikant redovan učenik u srednjoj školi na području države Bosne i Hercegovine, na ime sufinansiranja troškova prevoza za školsku 2024/2025 godinu, (original ili ovjerena kopija od strane nadležnog organa ne starija od 30 dana);
8. Potpisana izjava roditelja/staratelja da troškove prevoza za odlazak/povratak iz škole snose samostalno (Obrazac za izjavu u prilogu Prijavnog obrasca);
9. Izjava o zajedničkom domaćinstvu (kućna lista) - (ovjerena izjava od strane nadležnog organa ne starija od ne starija od 6 mjeseci).

VIII – ROK ZA PRIJAVE I NAČIN PODNOŠENJA PRIJAVA

Prijave sa traženom dokumentacijom dostaviti lično ili poštom preporučeno, na adresu:

Federalno ministarstvo raseljenih osoba i izbjeglica

Hamdije Čemerlića 2.

71000 Sarajevo

sa naznakom

“Prijava na Javni poziv za sufinansiranje troškova prevoza učenicima srednjih škola na području države Bosne i Hercegovine za školsku 2024/2025 godinu“

(Na poledini koverta navesti ime i prezime podnosioca i tačnu adresu)

Rok za prijave je 01.10.2024. godine.

IX – INFORMACIJE O JAVNOM POZIVU

Dodatne informacije o javnom pozivu se mogu dobiti putem kontakt telefona: 033/294-178.

Prelimarna i konačna rang lista po ovom javnom pozivu će biti objavljene na internet stranici Federalnog ministarstva raseljenih osoba i izbjeglica <https://fmroi.gov.ba/>

Nepotpune i neblagovremene prijave neće se uzimati u razmatranje.
Federalno ministarstvo nema obavezu vraćati predatu dokumentaciju aplikantima.

MINISTAR

Nerin Dizdar

Broj: 05-32-5-1390-1/24
Sarajevo, 13.09.2024. godine

U ime Ministarstva
Federalnog ministarstva raseljenih osoba i izbjeglica



U Sarajevu, 13.09.2024. godine
Nerin Dizdar